

Ասեղնագործության խմբակ  
Կաթնաղբյուրի Մուշեղ Գալշոյանի անվան  
միջն. դպրոց

Ղեկավար՝ Ղազարյան Փառանձեմ

Ժամաքանակը՝ 3 ժամ

5-7-րդ դասարաններ (15 աշակերտ)

## Ներածություն

Ասեղնագործությունը դեկորատիվ-կիրառական արվեստի տեսակ է, որը ասեղով, ասեղնագործող մեքենայով, զանազան գործվածքների, կաշվի, թաղիքի վրա տարբեր կարերով ստեղծում է պատկեր (զարդապատկեր), սյուժետային կոմպոզիցիա, դիմանկար, գործվածք, նյութեր զարդարելու արհեստ՝ ասեղի, թելի և մանվածքի կիրառությամբ:

Ասեղնագործելիս օգտագործվում են տարբեր թելեր՝ բամբակյա, վուշյա, մետաքսյա, բրդյա, ինչպես նաև ուլունքներ, փայլփունքներ, քարեր, ոսկեթել, արծաթաթելեր:

Ասեղնագործությունը օգտագործվում է հագուստ, գլխարկներ, ծածկոցներ, գուլպաներ, զարդապատկերներ՝ դեկորատիվ պատկերներ ստղծելու համար:

Ասեղնագործությունը զայիս է հին ժամանակներից, երբ մարդիկ ասեղի փոխարեն օգտագործել են բույսերի փշեր և ձկների ոսկորներ, բրդյա թելեր: Օգտագործվել են առաջինը Չինաստանում (մ.թ. 1200 տարի առաջ): Հին աշխարհում ասեղնագործությամբ զբաղվել են ասորեստանցիները, հրեաները, պարսիկները: Ամենահին նմուշների մասին գաղափար են տալիս ասորաբաբելական արձանների, եգիպտական քանդակների, որմնանկարների, հունական սափորների վրա պատկերված զարդաքանդակները, ասեղնագործ պատառիկները:

Կարելու, կարկատելու և գործվածքը նորոգելու գործընթացը խթանեց կարելու տեխնիկայի զարգացմանը, և դեկորացիայի զանազան տեսակներ հանգեցրին ասեղնագործության արվեստին:

Ասեղնագործությունը բաժանվում է 2 մեծ խմբի.

1. Կտորի վրա ասեղնագործություն,

## 2.Թելքաշ կտրուվի ասեղնագործություն:

Ասեղնագործությունը հին հունական դիցաբանության մեջ վերագրվում է Աթենաս աստվածուհու անվանը:

Հին հայկանան ասեղնագործությունը ունի՝ երեք խոշոր ճյուղեր.

1.Ժողովրդավարական՝ կապված գեղջկական տարազի և կենցաղի հետ,

2.Քաղաքային՝ առևտրա-արհեստավորական,

3.Եկեղեցական:

**Նպատակը**-Ստեղծագործական նախագծի մեթոդի միջոցով բարձրացնել ասեղնագործության խմբակի աշխատանքը 5-7-րդ դասարաններում:

Խմբակի գործունեությունը ուղղված է սովորողների մոտ աշխատանքային հմտություններ և գեղագիտական դաստիարակություն ձևավորելուն:

Խմբակի աշխատանքների ընթացքում զարգանում է աշակերտների ստեղծագործելու մոտիվացիան՝ ճաշակ,որը նպաստում է անձնային աճին:

Ստեղծագործական նախագծերի մեթոդի միջոցով ասեղնագործության դասավանդման արդյունավետության բարձրացումն է:

**Խնդիրները**-1.Ուսումնասիրել նախագծային գործունեության տեսական դրույթները,

2.Բացահայտել սովորողների նախագծային գործունեության էությունը,

3.Ուսումնասիրել և մտածել նախագծային առաջադրանքների ստեղծման համակարգի մասին:

## Ակնկալվող վերջնարդյունքները

Ասեղնագործության խմբակի նպատակը հետևյալն է. խմբակի աշխատանքների ընթացքում աշակերտներին իրազեկ դարձնել հայկական ասեղնագործությանը:

Ծանոթանալով հայկական զարդանախշերով ասեղնագործությանը՝ աշակերտները արժևորում են մեր մշակույթը, ծանոթանում ասեղնագործության պատմությանը և այդ ամենը կիրառում գործնական աշխատանքների ժամանակ:

Դասարանում պահպանվում են իրենց աշխատանքները, ասեղնագործ կտորները, որոնք կատարվել և կատարվում են սիրով:

Աշխատանքի ժամանակ աշակերտները ծանոթացել են Վանի, Մարաշի, Այնթափի, Կարինի զարդանախշերին, կարերի տարբեր տեսակներին՝ շարակար, շուղակար, հարթակար, խաչկար, թելքաշ և այլ տեսակներ:

Ծանոթանում են ասեղնագործության ավանդույթներին:

Մեր դպրոցում գործել է և գործում է ասեղնագործության խմբակ, հրապարակվել են նկարներ, ասեղնագործ աշխատանքներ, որոնք տարվա ավարտին ներկայացվում են ցուցադրության:

Աշխատելիս միշտ էլ ոգևորված են մասնակցում, արդյունավետ սկիզբ և ավարտ է լինում:

Խմբակի ժամանակ ապահովում ենք ասեղնագործության համար անհրաժեշտ պարագաներ՝ գունավոր թելեր, կտորներ, ասեղներ, ուլունքներ և այլն:

Սկզբում աշակերտները աշխատում էին փոքր կտորների վրա, իսկ հետո ավելի մեծ աշխատանքների անցան:

Կարևոր մի լրացում անեմ . յուրաքանչյուր աշակերտ ասեղնագործելիս միշտ ընկերներին օգնում է, երբեմն թիմային աշխատանք է ստացվում:

Ամենակարևոր հանգամանքը՝ սիրով են սովորում և աշխատում:

## Ասեղնագործության խմբակ



